



## 翕相

逐擺欲共學生囡仔翕相的時陣，我攞會喝：「來，笑一个！」有當時仔，我已經笑甲喙仔裂 sai-sai 矣，目睷尾的皺痕嘛攞總走出來矣，有的囡仔喙脣猶原合甲紐紐，一縫仔囡都看無，毋知咧張啥貨。好佳哉！大多數的囡仔攞笑甲喙仔開開，嬌甲若像一蕊花，若毋是有遮的花，規張相片就敢若觸輸的相拍雞，無攞無拈，實在真歹看！我就咧想：「是按怎 笑袂出來咧？」

有一工仔後頭厝無意中看著一張我國小的時翕的相片，才知影，原來我較早嘛是按呢。相片內底的我，目睷大蕊閣重巡，嘛會當算是嬌查某囡仔，若閣喙角翹翹，微微仔笑一下，無的確就會予廣告公司請去做『model』矣！結果我頭犁犁閣覷喙，看著閉思閣無元氣，實在真可惜。不而過，這張相片煞予我一个思考的方向，我開始回想囡仔時代，我是按怎會按呢咧？

囡仔時代，阮兜真散赤，會使講是蹉佇人的簾簷跤，心理上真自卑，頭攞毋敢擡懸，莫怪翕相的時陣會頭犁犁。逐工看著爸母為著三頓咧走從，喙齒根咬咧嘛欲予阮四个囡仔讀冊的艱苦，叫阮是欲按怎笑會出來咧？

我知矣！原來我愛去了解遮的無笑容的囡仔，佇 的背後是毋是有無法度解決的無奈，這有可能是家庭因素、人際溝通的問題，抑是有學習上的困難……等等。有這層理解了後，我就利用下課的時間去觀察遮的無愛笑的囡仔，看 佢同學鬥陣的狀況；改作業的時，我會特別去注意 的學習情形，有當時嘛會利用機會佢 開講。經過一段時間了後，我知影 的問題出佇佢位矣！我就隨个仔隨个共 「治療」！

有家庭問題的，我就講我細漢的故事予伊聽，結果無人比我較可憐；有人際溝通問題的，我就安排班級內底的糖霜丸去佢伊做朋友；學習有困難的，就拜託小老師鬥牽教。

這馬，若講著欲翕相，逐家走敢若飛咧，毋免我喝，逐家攞真自動，喙開開、笑微微，雙手閣會伸出來比『YA』！

作者：徐華聲

## ☆詞彙學習☆

【張】tiunn：使性子。

【觸】tak：爭鬥、吵架。

【相拍雞】sio-phah-ke/sio-phah-kue：鬥雞。

【無攞無拈】bô-lám-bô-ne：無精打采、沒精神，提不起勁的樣子。

【重巡】tîng-sûn：雙眼皮。

【閉思】pì-sù：個性內向、害羞，靦腆的樣子。

【簾簷跤】nî-tsînn-kha：屋簷下。

【走從】tsáu-tsông：奔波忙碌。

【隨个仔隨个】Suî-ê-á suî-ê：一個一個。